

ՀԱՅ ՄԱՆԿԱԿԱՆ ԲԱՆԱՀՅՈՒՍՈՒԹՅԱՆ ՏԵՍԱԿՆԵՐՆ ՈՒ ԵԶՐԵՐԸ

Ռ. Հ. ԳՐԻԴԱՐՅԱՆ

Հայ բանահյուսության հարուստ գանձարանում բացառիկ ինքնատիպ ու հետաքրքիր բաժին է մանկական բանահյուսությունը, որի կազմի մեջ մտնող ստեղծագործությունները ցրված էին տարաբնույթ՝ բանահյուսական, ազգագրական, տեղագրական, ինչպես նաև արխիվային ձևագիր ժողովածուներում: 1970 թ. այդ նյութերի համահավաք բնագրերը հրատարակվեցին «Հայ ժողովրդական օրորոցային և մանկական երգեր» ժողովածուով, որով և լույս աշխարհ հանվեց ավելի քան մեկ հարյուրամյակում կուտակված բանահյուսական արժեքավոր նյութը՝ իր տարատեսակ փոփոխակներով, հանգամանք, որը հավաստեց մեր ժողովրդի կյանքում նրա կիրառական ակտիվ գործընթացը և ապա հայ բանահավաքների ջանադիր աշխատանքը:

Հայ բանահյուսության ընդհանուր համակարգի հետ նրա ունեցած ընդհանրություններն ու նմանությունները, ինչպես նաև կրկնությունները չեն կարող դրանց նույնացման հիմք ծառայել, քանի որ մանկարվեստն ունի իր առանձնակի կիրառական միջավայրը և օժտված է կատարման ձևի ինքնատիպությամբ: Ժողովրդական բանարվեստի այս բնագավառի հարատևությունը պայմանավորված է նրա առանցքը կազմող առարկայի ու խընդիրների (ծնունդ, երեխա, մանկաշխարհ) հանապազ հոլովությամբ:

Հնաբույր բնաձայնական հնչյուններով հորինված օրորից մինչև զարգացման բարձր մակարդակի հասած (որոշակիորեն կազմավորված ըմբռնումներով և աշխարհընկալմամբ ասված) օրորոցայինները, մանկան գովքի ու գորովի երգերը, ինչպես նաև բուն մանկաշխարհի երգերն ու խաղերգերը, ասելովներն ու հանելուկները. ահա գրեթե այն բոլոր տեսակները, ինչ ստեղծվել է մանուկների համար: Մշտապես ստեղծագործությունների այս համակարգում երեխաներն աստիճանաբար պատկերում ունենդիրների վիճակից փոխարկվում են ժողովրդական ստեղծագործությունների ակտիվ կրողների և եթե դժվար է հստակ նշել այն սահմաններն ու հանգամանքները, որոնցում տեղի է ունեցել այդ անցումը, ապա հայտնի է, որ բանահյուսական ստեղծագործությունները պատմականորեն՝ սերնդափոխանցման ճանապարհով կրած փոփոխություններին առընթեր ձերբազատվել են այն ամենից, ինչ խորթ է մանկան մտքին ու սրտին, այսինքն՝ այդ ստեղծագործությունները թողափել են այն ամենը, ինչը չի հետաքրքրել մանկանը, այդ ճանապարհով ստանալով մանկան պահանջներին համահունչ ձև և բովանդակություն:

Մանկական բանարվեստի խնդիրներին անդրադառնալիս անհրաժեշտորեն պետք է պարզել, թե ի՞նչ է մանկական բանահյուսությունը, ընդգրկման ի՞նչ սահմաններ ունի, ովքե՞ր են նրա կրողները և նրա տեղը հայ բանահյուսության ընդհանուր համակարգում:

Մանկական բանահյուսությունն եզրը հավասարապես կիրառելի է բավոր խոսքարվեստի այն բոլոր ստեղծագործությունների համար, որոնք մանկական բնույթ ունեն և որոնց կրողները երեխաներն են կամ մեծահասակները, հետևաբար՝ մանկական բանահյուսություն ասելով պետք է հասկանալ այն բոլոր ստեղծագործությունները, որոնք ստեղծում են մեծահասակները երեխաների համար, ինչպես նաև հենց իրենց՝ երեխաների, ստեղծած տարաբնույթ երգերն ու ասույթները:

Մանկական բանահյուսությունը անքակտելիորեն կապված է այն միջավայրի, ուր ծնվում ու հարատևում է ինքը, ուր կազմավորվում են երեխայի աշխարհաճանաչողության առաջին սաղմերը՝ իբրև հստակաբար շրջապատի, բնության, կենդանական աշխարհի մասին ծնողներից ստացած ամենօրյա պարզունակ, բայց և մարդկայնորեն բարձր ու ազնիվ հաղորդմաններ։ Սրանով են պայմանավորված մանկական բանավեպի հարուստ գանձարանում պահպանված ժողովրդագիտական բազում տվյալներ ու արժեքներ, որոնք սպասում են լուսաբանման։ Ուստի և մանկական բանահյուսությունը պետք է դիտել իբրև երեխայի և մեծահասակների փոխադրյալ կյանքի արդյունք։ Այս հանգամանքով է բացատրվում նաև այն անառարկելի նմանությունը, որ հաճախ աչքի է զարնում ընդհանուր և մանկական բանահյուսական ստեղծագործությունների համադրումից։ Այսուհանդերձ, մանկական բանահյուսությունն ունի իր տարբերակման ընդգծված սահմաններն ու ինքնատիպությունը, կատարման ձևի յուրօրինակությունն ու մանկաբանության բովանդակությունը։ Այս հանգամանքը ավելի որոշակի արտահայտվում է այն ստեղծագործություններում, որոնք կենցաղավարում են երեխաների միջավայրում և որոնց կրողները մանուկները լինելով, պահպանում են էրենց անխառն նկարագիրը (խաղերգեր, աւելուկներ և այլն)։ Փոքր-ինչ այլ է այն ստեղծագործությունների պատկերը, որոնց կրողները մեծահասակներն են, ուր տարաբնույթ թեմաների հարակցումից զատ, նկատվում է յուրաքանչյուր սոցիալ-բարոյական ու անձնական մոտիվների, հույզների հախուռն ներթափանցում։

Մանկական հրեթե բոլոր ստեղծագործություններում ակնհայտորեն նկատվում են տարիքային որոշակի սահմանազատումներ. այսպես՝ օրորի, գովերի, գորովի երգերը ասվել են մանկան կյանքի առաջին տարիներին. խաղերգերը, բառախաղերը, ձեռնախաղի երգերը, ասելուկները յուրահատուկ են նախադպրոցական տարիքի երեխաներին, իսկ եղջերական երկխոսական, շարաբարդված երգերը, ինչպես նաև հանելուկները, հանելուկ-խընդիրները շրջառում են արդեն հասուն տարիքի երեխաների շրջանում։

Դժվար չէ նկատել այս թվարկվող խմբավորումներից, որ ստեղծագործությունների թեմատիկան ու գաղափարական բովանդակությունը հետևողականորեն ընդլայնվում և խորանում է համապատասխան երեխայի տարիքային աճի, մտահորիզոնի լայնացման ու զարգացման։

Փորձենք ըստ տարիքային հատկանիշի ներկայացնել հայ մանկական բանահյուսության տեսակային խմբերն ու նրանց երգերը։

1. ԳՈՐՈՎԻԳՆԵՐ՝ — այս երգերի կրողները սովորաբար մեծահասակներն են՝ մայրերը, տատիկները, տարեց կանայք։

Ներքին մոտիվային հատկանիշների տարբերակման ճանապարհով երգերը կարելի է խմբավորել ըստ հետևյալ տեսակների.

ա. Օրորոցային (լուրի, դարդար, հայրուր, նաննիկ, նեննի, լայ-լայ) երգեր, որոնք երեխայի վրա ազդելու, քուն բերելու մտահղություն արդյունք են։ Նրեխային շար աչքից զերծ պահելու, անվտանգ մեծացնելու մոր մտավախությունը կյանքի է կոչում շարխափան հավատալիքների, ծեսերի ու հմայաբանադրական ասույթների մի ողջ համակարգ, որը համապատասխան է օրորոցային երգերին, բայց չի փոխարինում նրանց, չի փոխանցվում մանկական երգաբանության հանգամանքից։ Հնարավոր է նաև, որ նախնական օրորոցային երգերը կազմված են եղել մի քանի հմայական ասույթներից, պարզունակ ձայնարկություններից, հանգավոր համաչափ երկտողներից՝ զուգորդված բնության շար ուժերը վանող հմայական շարժումներով (օրորոցի ձոնվելը, ձեռքերի կամ հագուստների թափահարումը), ահաբեկող շեշտադիր կերկներգերով (է.) է.է., հայրուր, հայրուր)։

Օրորոցային երգերի ուսումնասիրությունը ցույց է տալիս, որ դրանք իրենց զարգացման ճանապարհին կրել են ժանրային էական փոփոխու-

Թյուն՝ բանադրանք հմայանքից վերաճելով օրորոցայինի, պահպանելով հմայական ժանրին հատուկ տարրերը, որոնք, սակայն, լիովին մոռացվում են մանկական երգարվեստում, իբրև եկամուտ և երեսայի հոգուն ու մտքին խորթ տարրեր. այսպես՝

Օրո՛ր, օրո՛ր օրերուդ,
Թեա դեմ բերեմ շարերուդ, է, է, է, է,
Չարխաւիւն շարերդ խափանե,
Աստվածամար արեդ պահե, է, է, է, է՛:

կամ՝

Ա՛խ, ի՞նչ անեմ, ի՛մալ անեմ,
էն շար աչքից հեռու պախեմ...²

Բ. Հայօրորների երկրորդ խումբը ընդգրկում է այն երգերի շարքը, ուր մանկիկն է իր շրջապատի իրերով ու «կճատիկ» (փոքրիկ) աշխարհով: Զերմությամբ ու սիրով են գովերգվում ոչ միայն երեսան, այլև նրան շրջապատող իրերն ու առարկաները՝

Օրո՛ր, օրո՛ր քուն- ունիս,
Պեշիկին մեջը տուն ունիս,
Օսկիե օրրան ունիս,
Մարգարտե յորդան ունիս,
Ճեֆահիրե բարձեր ունիս,
Շար ու շարմաթ շոր ունիս՝:

Բնությունը, երկնային լուսատուները և կենդանական աշխարհը երգելով՝ մայրը ձգտում է կտրվել իրական կյանքի հոգսերից, ստեղծել հեքիաթային աշխարհի պատրանք իր և մանկիկի համար, երևակայական մի աշխարհ, ուր ամեն ինչ վարդապույն է, ամեն ոք բարի, ազնիվ ու մարդկային: Ահա նախնական ըմբռնումների և պատկերացումների ողջ համալիրը, որին հաղորդակցվում է երեսան դեռևս օրորոցից:

գ. Սրգեթի այս խումբը ևս ներկայացնում է անկեղծ և հոգու ջերմությամբ իր հուզաշխարհը բացահայտող մոր մտորումները: Առաջին հայացքից թվում է, թե պետք է վեր հանվի այն ամենը, ինչ երեսային ընկալելի է, հասկանալի, բա՛ռ. ո՛չ, երգերի այս շարքում մայրը հաճախ է հեռանում այդ սահմաններից՝ մինչև անձնական ու անանձնական վշտի, հոգսերի արծարծման մակարդակ:

Հայօրորների մի զգալի մասը ստեղծվել է ընդհանուր քնարական մոտիվների հարակցումից՝ օրորոցային կրկներգի հավելմամբ: Կառուցվածքային առումով, կրկներգերը նպաստում են տվյալ երգի վերափոխմանը օրորոցայինի, միայն թե կրկներգերի հավելմամբ երգը նոր թեմա և երանգավորում է ստանում: Օրորոցը, շրջապատի անդորրն ու հոգեթով մեղեդին, միայնակությունը նպաստում են մոր տրամադրության բացահայտմանը, և նա երգում է իր հույզերին ազատություն տված. այս ճանապարհով էլ օրորոցային են ներթափանցել անհավասար, անսեր ամուսնության, օտարություն զնացած սիրեցյալի, հարստահարիչների բռնությունների մոտիվները. այսպես՝

Օրո՛ր, օրո՛ր,
Սև հըլեր էն օր,

1 Ռ. Հ. Գրիգորյան, Հայ ժողովրդական օրորոցային և մանկական երգեր, Երևան 1970, էջ 55:

2 Նույն տեղում, էջ 45:

3 Նույն տեղում, էջ 13:

Չառնի ես քո խոր,
Չընի սգվոր...⁴

կամ՝

Օրո՛ր, օրո՛ր,
Արև կուծադի, ալվա կումարի,
Սրտիս կեսն է տարած,
Կեսը կուցավի,
Ճիկերս ի փորում քաշած,
Քեպապի տեղ ոլրած,
Տիգեկ, տիգեկ փայլ ըրած.
Օրո՛ր, օրո՛ր...⁵

Կրկններգերը նման դեպքերում դիտվում են իբրև կառուցվածքային յուրահատկություն, առանց որի որոշ երգեր կարող են կորցնել իրենց նպատակն ու գործառույթը:

գ. Սաեկախաղաց, գովքի, խայտանքի ու լոգանքի երգեր: Նրեխայի տարիքային աճի փոփոխության հետ փոխվում է նաև մանկական օրոնների, որոշ երգերի որակը, կատարման ձևն ու մեղեդին: Քնաբեր ու թմրեցնող երգերին փոխարինելու են գալիս հանգավոր, համաշափ տողերով կայտառ տրամադրությամբ ասված գորովի, խայտանքի ու բերկրանքի երգերը, որոնց կատարման ձևը ևս տարբեր է նախորդից. ձեռքի վրա երեխային վեր-վար թռցնելով, գովերգում են նրա բարեմասնությունները՝

Դե՛, պարես, պարես ըրախաս,
Լոխին բըրբբար էս ըրախաս,
Դե՛, կաղնի բոյդ տեսնամ,
Մըծացի սոյդ տեսնամ,
Նշանիդ կանանչ կապեմ,
Հըրսանիքիդ կարմիր կապեմ,
Դե՛, պարես, պարես ըրախաս,
Լոխին բըրբբար էս ըրախաս...⁶

կամ՝

Դե՛, թռի՛, թռի՛ թռցնեմ,
Սև հավու միս կերցնեմ...⁷

Նմանատիպ երգերն ասվում են երեխային աշխուժացնելու, առույգ ու զվարթ տրամադրություն ներարկելու նպատակով: Այս երգերում հոգեթով ու քնարական, օրոր, լուրի կրկններգերը փոխարինվում են «թռի՛, թռի՛. դա՛ն դա՛ն. պարի՛ն, պարի՛ն» ունչիտատիվ բնույթի բառերով: Սրանք բացառիկ դեր են խաղում նաև այն տեսակետից, որ կցվելով այս կամ այն երգին, հիմնավորապես փոխում են նրա բնույթը և կիրառությունը:

Նույն կենսահաստատ տրամադրությունը, սակայն, կատարման այլ ձևով առկա է լոգանքի երգաշարքում, ուր երգերը կրում են նաև վարժանքի ու մարմնակրթանքի գործառույթ. այսպես՝

էրկան վղիկ,
էրկան վղիկ*,
Թափ տու ցավիկ,
Շալկե՛ մսիկ...⁸

⁴ Նույն տեղում, էջ 94:

⁵ Նույն տեղում, էջ 65:

⁶ Նույն տեղում, էջ 160:

⁷ Նույն տեղում, էջ 127:

* Ցուրաքանչյուր տողից հետո ձգում են երեխայի վիզը:

⁸ Նույն տեղում, էջ 180:

2. ԽԱՂԵՐԳԵՐ — Հայ մանկական բանահյուսության հարուստ և հետաքրքիր բաժիններից է: Կատարման յուրօրինակությունն ու կառուցվածքի ինքնահատուկ նկարագիրը նպաստում են այս բաժնի երգերի եզրերի հստակ սահմանմանը:

Մանկական բանահյուսության այս տեսակը լայն տարածում ունի փոքր-ինչ ինքնուրույնություն ձեռք բերած երեխաների շրջանում: Երգերն ունեն որոշակի ուղղվածություն, հետևաբար և նրանց դասդասումը կատարվում է համապատասխան նմանատիպ խաղերի:

Ա. Ձեռնախաղի երգեր — գյուղաշխարհում խաղալիքների բացակայության պայմաններում մանուկը հնարամտությամբ ձեռքերն է դարձնում խաղալիք. մատների վրա երգի խոսքերը վանկարկելով ասում են.

Հայրը՝ բութմատ,
Ոչխար մը գնեց,
Մայրը ցուցամատ
Ջատիկին մորթեց,
Տղան՝ միջամատ
Մորթեց ու քերթեց,
Քույրը՝ մատնեմատ
Տապկեց ու եփեց,
Փոքրիկ ճկուլթն ալ
Նեմնամ ծամեց...⁹

Բ. Հաշվեբեզեր — մանկական խաղերի ժամանակ խաղն սկսելու իրավունքը վիճարկելու նպատակով ասված ռիթմիկ, հանգավոր, զվարճախոսական երգեր ու ասույթներ են: Հաշվեբեզը ասվում է շրջանաձև կանգնած երեխաների միջավայրում. ում վրա ընկնում է ասույթի վերջին վանկը, նա շրջանից դուրս է գալիս: Շրջանում կանգնած մինչև վերջին երեխան այս կերպ դուրս է գալիս, իսկ վերջինը նվաճում է խաղը սկսելու իրավունքը:

Տիտոխի՛կ, տիտմանոխիկ,
Ջուռնա թոխիկ,
էպե գաթեն, կուլիջա,
Ծղ լե վրեն պղպջա,
Ուտե իդա, խմե իդա,
Հագնի իդա, էլնի իդա...¹⁰

Հաշվեբեզերի հիմնական նպատակը հաշիվն է՝ զուգորդված հանգավոր բառերին, երբեմն նաև իմաստազուրկ բառ-կապակցություններին: Յուրաքանչյուր ռիթմիկ շեղում, խախտում նկատելի է դարձնում հաշվեբեզի անճշտությունը, որի հետևանքով խաթարվում է խաղի ընթացքը:

Վիճակահանության հիմնական նպատակին զուգահեռ հաշվեբեզեր նաև հաշվելն ու թվարկումը մարզող վարժություններ են:

Գ. Խաղեբեզեր բաժնում իրենց բառախաղային, խոսքախաղային բնույթով հետաքրքիր են ծաղրերգ, կամիթերգ տեսակները: Կիրառվում են խաղերի ժամանակ միմյանց երգիծելու, ծաղրելու համար: Հաճախ երգիծանքը արտահայտվում է անունների աղավաղմամբ, շրջասելուններով, նաև արտաքինի զավեղական նկարագրով, իսկ երբեմն՝ նաև առանց որոշակի օբյեկտի և նպատակադրված միտումի, սոսկ ժամանցի ուրախ տրամադրության համար: Խաղերի ժամանակ երեխաները շատ են դիմում կամիթների՝ նպա-

⁹ Նույն տեղում, էջ 204:

¹⁰ Նույն տեղում, էջ 191:

տակադրված խայթոցային բանաձևերի ու ասույթների, դիմացինին ծիծաղելի վիճակի մեջ դնելու, ինքնասիրությունը կամթելու նպատակով:
Այսպես՝

Վանես, Վանես,
Հա՛վ, հա՛վ անես,
Չափարի տակին ճուտեր հանես,
Մինը կոխեմ,
Վա՛յ, վա՛յ անես¹¹...

Այսինքն՝

Գև'ի, Գև'ի, գե գցեմ,
Ոտնայ բռնեմ,
Դեն գցեմ...¹²

Մանկաշխարհը լի է վեճերով ու անվերջ բորբոքվող դրույցներով, որոնց ընթացքում հակադիր խմբերը փորձում են ծաղրել միմյանց, հանպատրաստի հորինում են շրջասելուկներ, ծաղրանուններով ու խեղված ածականներով կոչում իրար՝ Գևի-մեյլի, Նաչիկ-պաշիկ, Մկրտիչ-կոտրած կթիչ և այլն: Հանգավոր այս ասույթները առույգ և զվարթ տրամադրություն ստեղծելու հետ զարգացնում են նաև երեխաների արագ մտածելու և ճիշտ կողմնորոշվելու ունակությունը: Նման ասույթների արմատները թաքնված են և մեծահասակների առօրյայում: Միմյանց ծաղրանուններով կոչելու սովորությունը մեծահասակների շրջանում պահպանված է մինչև օրերս: Խնշ արտաքին և ներքին գործոններ են նպաստում նման զավեշտական բնութագրումներին, որն է նրանց հասարակական հիմքը՝ ա. հնում որևէ առիթով տրված ժառանգաբար, սերնդեսերունդ ծաղրանունները, բ. արտաքին նկարագրի որևէ թերություն, գ. բնավորության ընդգծված թուլություն կամ համառություն, դ. կյանքի որևէ արտառոց միջադեպ, պատահար:

Ծաղրանունների արտահայտչականությունն ու գունեղությունը համահունչ է մանուկների էությանը, իսկ կատարման ձևն ու միջավայրը՝ մատչելի ու տրամադրող: Մանկական բանահյուսության այս տեսակները (ծաղրախոսուկ, ծաղրասելուկ, կամիթերգեր) ունեն երգային բանահյուսության հարուստ ալիանդություն, որոնք էլ նպաստել են մանուկների հոգեբանական փոխակերպումների երկարատև գործընթացին:

Յ. ՄՏԱՎԱՆԻՍԻԱՆ, խոսքավարժական, արագախոսական մարզանքին է վերաբերում մանկական բանավեպի ստեղծագործությունների մի ստվար քաժին, որը կարելի է խմբավորել այսպես՝

ա. հանելուկներ,

բ. շուտասելուկներ,

գ. բառախաղ—ասելուկներ:

Այս խմբում ընդգրկված տեսակները կատարման ձևի և բովանդակության մատչելիության շնորհիվ, ինչպես նաև մանկան հոգեհարազատության պատճառով դուրընկալելի են եղել երեխաներին և հեշտովյամբ ժառանգվել են մեծերից:

ա. Հանելուկի հարցադրման և լուծման՝ ճշգրիտ պատասխանի հայտնաբերման ընթացքը դիպչում է մանկան պատվախնդրությանը, միտք է շարժում, և նա ձգտում է հնարավորին չափ շատ արագ և անսխալ ելնել այդ վիճակից: Հանելուկը հարցասիրություն և դիտողունակություն է զարգացնում, խորացնում է դիտելիքները և ընդլայնում մտահորիզոնը: Երեխայի մեջ անմեղ նախանձախնդրության բորբոքումը նպաստում է առաջինը և անսխալ լինելու ձգտման զարգացմանը:

¹¹ Նույն տեղում, էջ 231:

¹² Նույն տեղում, էջ 280:

Հայկապետ հետաքրքիր են հարց ու պատասխանի սկզբունքով կազմված թվաբանական հանելուկները, ուր որոշակի տարիքի երեխաները ցուցաբերում են արագ կոհեղություն, տրամաբանորեն պատասխանելու կարողություն:

Այս խմբին են պատկանում նաև անհեթեթ հարց ու պատասխաններ պարունակող հանելուկները, որոնց միջոցով, ստուգվում է երեխայի ուշիմությունն ու սթափ մտածելու, շրջահայաց լինելու կարողությունը¹³. այսպես՝

Բ. Շուտասելուկներ — սակավ հանդիպող բառակապակցություններ, դժվարահունչ երկտողեր, քառյակներ, երբեմն նաև ավելի ընդարձակ ստեղծագործություններ են, դարձյալ ձևի և կատարման մատչելիության շնորհիվ մեծահասակներից երեխաներին անցած և նրանց միջավայրում ակտիվ կենցաղավարմամբ ապրող բանահյուսական տեսակ: Հնչյունային լատարակություններ, լեզվական խրթնաբանությունները շուտասելուկներին հաղորդում են խաղի բնույթ և թույլ տալիս զբաղվել խաղերգերի շարքեր:

Մասնական բանահյուսության յուրօրինակությունը նրա կրողների տարիքային սահմանադատման մեջ է, ինչպես նաև նրա համալրումը ժողովրդական բանավեպի ալլեայլ ստեղծագործություններով, այսինքն՝ այն էս, ինչպես ընդհանրապես ողջ ժողովրդական բանավեպում, ապրում է անընդհատ հոյատևող բանահյուսական մի գործընթաց, ուր ի հաշիվ մեկի՝ հարստանում, համալրվում է բանահյուսական մի ալլ տեսակ: Այս երևույթի (փոխանցման, փոխհարստացման) հետևանք է մասնական բանահյուսության բազմաշերտությունը: Ահա այդպիսի բնագավառներ են բնության ու էրկնային լուսատուների նվիրված մանկական ծիսական երգերը:

4. ԲՆՈՒԹՅԱՆ ԵՐԳԵՐ

Այս երգերը իրենց գերակշիռ մեծամասնությամբ որոշակի ուղղվածություն ունեն: Դրանք նվիրված են արևին, աստղերին, լուսնին, բնության երևույթներին ու տարվա եղանակներին, կենդանական աշխարհին՝ շանը, կատվին, աղվեսին, թռչուններին՝ արծվին, ուրուրին, բազին, արագիլին և այլն:

Այսպես՝

Անձրև՝, անձրև՝,
Ցած արի,
Բուսըցրու ցորեն ու գարի¹⁴:

կամ՝

Արտուտիկ, նախշուն տոտիկ,
Իջնեն կալերն գողտիկ-մողտիկ,
Ուտեն կուտիկ,
Թունեն, էթան առվու եզրիկ...¹⁵

5. ՄԱՆԿԱԿԱՆ ԾԻՄՆՐԳԵՐ — մանկական բանավեպի այս տեսակը լայն տարածում ունի որոշակի տարիքի երեխաների շրջանում, երբ նրանք իրենց հանապազօրյա խաղերի և ժամանցների ընթացքում ընդօրինակում և մեծահասակներից վերցնում են այն ամենը, ինչին հասու է նրանց միտքն ու հոգին, ինչը դուրսնկալելի է ու հասկանալի, կիրառելի է իրենց խաղերում:

¹³ Տե՛ս Անանի ավազանի բանահյուսությունը. ձեռագիր ժողովածու (Բ. Հ. Գրիգորյանի անձնական արխիվ):

¹⁴ Բ. Հ. Գրիգորյան, նշվ. աշխ., էջ 300:

¹⁵ Նույն տեղում, էջ 303:

Ահա այս ճանապարհով էլ մանկական երգարվեստ է ներթափանցում կոնկրետություն և որոշակիություն. երգերի նյութ են դառնում շրջապատն ու բնությունը, մասնակի ծեսերի հետ կապված որոշ հանգամանքներ ու պարագաներ (ճրճեռնակ, նուրի և այլն):

Մանկական ծիսերգերը, որպես այդպիսիք գոյություն չունեն: Երեխաները, սոսկ կրողներն են այն երգերի, որոնք ասել են մեծահասակները՝ ծեսերի ժամանակ: Երեխաները «ճրճեռնակները» պատեցնելով շրջել են տնետուն, երգել, ծիսական այդ երգերը՝ նվերներ ստանալու ակնկալությամբ: Ծեսերի մոռացումը մեծահասակների շրջանում իր հետ բերել է որոշակի սովորությունների (շրջադաշտություններ, նվիրատվություն) նահանջ և մոռացում:

Նման ծիսերգերի գրառում մեր կողմից վերջին անգամ կատարվել է 1978 թ.: Օրինակ՝

Ճրճ, ճրճ ճոճռակ,
Աստծու հալալ պուպռակ,
Ընկերս ելել ա ծառը,
Հավել ելել ա թառը,
Իմ կարմիր հավկիթը բերեք,
Զիր ու շամիչ ինձ տվեք,
Ուտենք, խմենք քեֆ անենք¹⁶:

6. ՇԱՐԱԲԱՐԻՎԱՄ (շեղջակուտակ) ԵՐԳԵՐ — հեքիաթային նախնորգերի այն խումբն է, որն ասվում է պատկերների և խոսքերի ընդգծված հարասացությամբ, դուլզն—ինչ շեղվելով սյուժեից: Այս ստեղծագործությունները առանձնանում են իրենց սրամիտ, զվարճալի ընթացքով, հարուստ տողակրկնություններով, բառակրկնություններով, որոնք նկարագրի ու գործողության գերաճ հաղորդելով երգին, այն հասցնում են պարզեցման ու ավարտի: Ահա մի օրինակ՝

Հեքիաթ, հեքիաթ պապս,
Կապույտ քուռակը տակս,
.....
Ցորեն տանեմ ջաղցին տամ,
Ջաղաց ընձի ալյուր տա,
Ալյուր տանեմ ջրին տամ,
Ջուրն ընձի խմոր տա...¹⁷
.....

Եթե մանկական բանահյուսության այս կամ այն տեսակի համար կարելի է որոշակի սահմանել ասացողներ և կրողներ հասկացությունները, ապա նույնը չի կարելի ասել հեքիաթների համար: Հեքիաթը ասվում է ընդարձակ ունկնդրավայրում, ուր ներկա են լինում երեխաները: Նրանք լսում են, կարող են նաև հետադաշտում վերապատմել, սակայն այդ անում են որոշակի ընտրությամբ՝ իրենց հետաքրքրող հեքիաթները կամ վերջիններիս առանձին հատվածներ:

Ինչպես՝ վկայում են բազմաթիվ բանահյուսական հավաքածուները, մանկական հեքիաթ, որպես այդպիսին, չի գրանցվել ո՛չ մի բանահավաքի կողմից և ո՛չ մի ժամանակ: Միայն հեքիաթի բովանդակությունն է հնարավորություն ընձեռում որոշարկելու հեքիաթի բնույթը՝ մանկական է այն, թե ոչ: Շատ հաճախ հեքիաթը հավասարապես պատմվում է և մեծահասակների շրջանում: Ուստի հեքիաթը պետք է դիտել և ուսումնասիրել հեքիաթ-

¹⁶ Սևանի ավազանի...

¹⁷ Ռ. Հ. Գրիգորյան, նշվ. աշխ., էջ 264:

ների բնգհանուր համակարգում, այս տեսակի ողջ ժառանգությունը՝ իր տարբերակային բաղադրություններով ու հարստությամբ:

7. ՄԱՆԿԱԿԱՆ, ԲԱՆԱՀՅՈՒՍՈՒԹՅԱՆ այս խմբավորումները թերի կլինեն, եթե առանձին բաժնով չներկայացվի մանկական խոսվածքի ծավալուն և հետաքրքիր բնագավառը, որին հայ բանահյուսության մեջ առաջինը անդրադարձել է Հ. Աճառյանը¹⁸, իսկ այնուհետև՝ 1970 թ., մանկական խոսվածքի բառարանը, որ համալրված է նոր գրառումներով և հրատարակվում է «Հայ ժողովրդական օրորոցայիններ և մանկական երգեր» ժողովածուում: Բառարանում ամփոփված նյութերը վերաբերում են վաղ մանկության տարիքին և նպաստում մանկան նկարագրի ամբողջացմանը: Բաձայնական հնչյուններից մինչև պատկերի կամ երևույթի դիտակցման հետևանքով արաբերված, բայց և տարիքին բնորոշ լեզվական աղավաղումներով արտասանված բառերն ու հնչյունները մանկան աստիճանական զարգացման խոսուն վկաններն են: Մանկական խոսվածքը ուրույն և հետաքրքիր բնագավառ է, ուր արձանագրվում է մարդ-արարածի առաջին թոթովանքը:

8. ՄԱՍԿԱԿԱՆՆԵՐԻ կիրառվում է առօրյա խաղերի ու գաղտնի խոսակցությունների ժամանակ: Կրողները երեխաներն են, կառուցվածքը՝ վանկերի տրոհմամբ և յուրաքանչյուր վանկի վերջում որևէ բաղաձայնի հավելմամբ կազմված բառերով նախադասություններ են: Կատարում են ուրիշիկ ու աշխույժ տրամադրությամբ, հնարավորին չափ արագ, որպեսզի ներկաները չկարողանան որսալ յաղտնիքը և հասկանալ խոսակցության իմաստը:

Մանկական բանահյուսության ոչ մի տեսակն այսքան որոշակիորեն իր կրողն ու ասացողն չունի, որքան մանկական թոթովանքն ու ծածկալեզուն: Այն նաև հարատևող է ու կենսունակ:

Ինչպես կարելի է նկատել մանկական բանահյուսության տարաբնույթ տեսակների սոսկ թվարկումից, այդ ստեղծագործությունները ընդգրկում են մանկան կյանքի տարբեր փուլերը, համապատասխանաբար փոփոխվելով և զարգանալով՝ պարզից դեպի բարձր՝ թե՛ թեմատիկայով և թե՛ բանաստեղծական կառուցվածքով:

Հայ մանկական բանահյուսությունը հանգամանալից ու լայնահուն ուսումնասիրության չի արժանացել, սակայն գիտական հետազոտման համար ստեղծված է կայուն և հարուստ բազա՝ հավաքված ու գիտական համակարգման է ենթարկված ավելի քան մեկ ու կես հարյուրամյակում կուտակված բանահյուսական նյութ, որը կազմում է շուրջ 1700 միավոր, ուր ներառված են նաև վերջին տասնամյակներում մեր կատարած գրառումները:

Ըստ հավաքված նյութերի Հայ մանկական բանահյուսության ժանրային համակարգը կարելի է ներկայացնել այսպես՝

1. ԳՈՐՈՎԵՐԳՆԻ՝

ա. Հայօրոհներ

բ. Մանկախաղաց և գովքի երգեր

գ. Խայտանքի ու լոգանքի երգեր

2. ԽԱՂԵՐԳԵՐ

ա. Ձեռնախաղի երգեր

բ. Հաշվերգեր

գ. Մադրերգեր, կամիթերգեր

3. ՄՏԱՎԱԳԺԱԿԱՆ, ԽՈՍՔԱՎԱՐԺԱԿԱՆ, ԱՐԱԳԱԽՈՍՅԱՆ ԱՍԵԼՈՒԿՆԵՐ

ա. Հանելուկներ (նաև թվաբանական խնդիր հանելուկներ)

բ. Բառախաղ, ասելուկ, շուտասելուկ

4. ԲՆՈՒԹՅԱՆ, ԿԵՆԴԱՆԱԿԱՆ աշխարհին նվիրված երգեր

18 Հ. Աճառյան, Հայերեն զավառական բառարան (Էմինյան ազգագրական ժողովածու, հ. Թ, Թբիլիսի, 1913):

5. ՄԱՆԿԱԿԱՆ ԾԻՍԵՐԳԵՐ
6. ՇԱՐԱԲԱՐԴՎԱԾ ԵՐԳԵՐ
7. ՄԱՆԿԱԿԱՆ ԽՈՍՎԱԾՔ
8. ՄԱՆԿԱԿԱՆ ԾԱԾԿԱԼԵՋՈՒ

Հայ մանկական բանավեպի նշված բոլոր տեսակները պատմական երկարատև գործընթացի արդյունք են, ենթարկվել են բնականոն փոփոխությունների, հղկման ու սրբազրման: Այդ ընթացքը նպաստել է նրանց կենսականությանն ու կիրառական որոշակի ուղղվածությանը: Ուստի մանկական բանահյուսության ուսումնասիրությունը պետք է սկսել երկու հույժ կարևոր գործոնների բացահայտումից՝ առաջինը այն միջավայրն է, ուր ծնվում և հոգևոր սննդի նախնական պաշարն է կուտակում երեխան: Ծնողներին և հարազատներին համապատասխան քննադատելով ու գործունե դասակարգված առատ լինությունները շրջապատի, բնության մասին իրենց անհիշելի հետքն են թողնում երեխայի նկարագրի, հետևաբար և նրա խաղերի, բանավեպի ստեղծագործությունների վրա: Մանկական բանավեպի հետազոտումը, առանց ուսումնասիրելու այն միջավայրը, ուր իր արմատներն է նստելու երեխան, թերի և միանգամայն կլինի: Նրկորդ՝ մեծահասակներ երեխաներ փոխառնակցության բացահայտումը և նրա ներգործության նյութերի վերհանումը կարևոր նախապայման է մանկական բանահյուսության հարատևման ու հարստացման գործընթացում:

Մանկական բանահյուսության տարբեր տեսակների ճակատագիրը նույնը չէ: Նրանցից և ոչ մեկը լիարյուն կենցաղավարում չի ապրում, իսկ որոշ տեսակներ իսպառ մոռացվել են: Անհետացել են բազմաթիվ խաղեր՝ իրենց ավանդական նրբային հատկանիշներով:

Ելանքի նոր պայմաններ թնկադրանքով բնահանուր բանահյուսության համակարգում սկիզբ առած և արագորեն առաջ ընթացող բանահյուսական ավանդույթների պատիվացման և աստիճանական մոռացման ընթացքից զերծ չի մնում նաև մանկական բանահյուսությունը, այն օրավոր նկատելիորեն կորցնում է շատ էական կողմեր՝ ներառելով անշուշտ նաև նորը, բայց ավելի հաճախ անդառնալիորեն կորցնելով հինը, ավանդական ու անկրկնելին:

ВИДЫ И ТЕРМИНЫ АРМЯНСКОГО ДЕТСКОГО ФОЛЬКЛОРА

Р. А. ГРИГОРЯН

Резюме

Армянский детский фольклор богат и разнообразен. Свод произведений детского устного творчества был опубликован в 1970 г. и на основании этого материала делается попытка определения состава и терминологии армянского детского фольклора.

Под терминком «детский фольклор» подразумеваются как произведения, специально созданные для детей (колыбельные, прибаутки и т. д.), так и те, которые со временем потеряли своё серьёзное значение в жизни взрослых и перешли к детям (заговоры, заклинания, перевертыши и т. д.). Своим складом, ритмикой и художественными средствами они синхронны детской психологии и их миру, поэтому они так легко были заимствованы ими.

Под детским фольклором подразумеваются также произведения, авторы которых сами дети (считалки, дразнилки, издевки, каламбуры и т. д.)